



Deputación da Coruña Biblioteca e Turismo

DIRECCIÓN

Rúa Riego de Agua, 37
15001 A Coruña

TELÉFONO

981 080 176

CORREO ELECTRÓNICO

biblioteca.info@dacoruna.gal

PÁXINA WEB

www.dacoruna.gal/biblioteca

#HOXEESCRIBOEN



Concurso de relatos e
fotografía dos concellos
da Coruña (9ª ed.)

Do 1 de xullo ao 31 de agosto de 2021

BASES DO CONCURSO

Participantes.

Poderán participar tódalas persoas físicas, maiores de idade, usuarios ou non da Biblioteca Provincial da Deputación da Coruña, de xeito libre. Quedan excluídas todas aquelas persoas con calquera tipo de relación laboral coa Biblioteca Provincial e coa Sección de Turismo da Deputación da Coruña.

Formato.

Os relatos presentados ambientaranse ou referiranse ao concello da persoa participante, e poderán estar relacionados coa historia local, lendas propias, tradicións do pobo, persoeiros destacados, os valores positivos do concello, a riqueza natural, cultural ou medioambiental do concello, ou calquera outro aspecto que axude a resaltar o patrimonio do concello.

Deberán estar escritos en galego ou castelán, ser inéditos e non ter sido presentados en ningún outro concurso.

O texto terá unha extensión entre 500 e 2000 palabras, escritos a dobre espazo con letra Times New Roman, en corpo 12, tamaño DIN-A4 e unha soa cara.

Presentarase como un arquivo de texto en formato .doc, .docx ou .odt. O texto acompañarase dunha fotografía, en formato .jpg cun tamaño máximo de 3 MB, relacionada co contido do relato e localizadas no concello do participante. Poderán acompañarse dun pe de foto explicativo con un máximo de 10 palabras por foto.

Forma de Presentación.

A presentación dos relatos deberá ser a través do correo electrónico. Cada participante enviará unha mensaxe a biblioteca.info@dacoruna.gal, co seu nome e apelidos, concello da provincia desde o cal participa e no que se ambienta o relato e as fotografías, teléfono de contacto e enderezo postal. Deberá enviar como arquivos adxuntos a esta mensaxe o relato en formato .doc, .docx ou .odt, e as fotografías dixitais en formato .jpg con un tamaño máximo de 3 MB. Cada persoa poderá participar cantas veces queira, enviando un correo electrónico por cada participación.

Prazo de presentación.

O prazo de presentación das fotografías é do 1 de xullo ao 31 de agosto de 2021, ámbolos dous incluídos. Non se considerarán propostas presentadas fora deste prazo.

Premio.

O premio consistirá nunha estancia de dúas noites con almorzo incluído para dúas persoas nun establecemento do tipo cabanas rurais. O segundo e o terceiro premio serán similares, pero con estancias dunha noite. Estes establecementos estarán localizados na provincia da Coruña. Ademais, entre os participantes sortearanse lotes de libros e produtos da provincia. As persoas que resulten galardoadas recibirán a comunicación por teléfono e/ou correo electrónico. Ademais, os nomes das persoas gañadoras comunicaranse a través da páxina web da Biblioteca e das súas redes sociais.

Entrega do premio.

A entrega do premio terá lugar nun acto público que se celebrará na Biblioteca Provincial da Deputación da Coruña. Salvo por razóns de forza maior, a persoa gañadora deberá estar presente no acto de entrega do premio. Os lotes de libros e produtos da provincia a sortear por cada concello serán enviados por correo postal ao enderezo sinalado polos participantes na súa mensaxe de participación, tal e como se solicita na base cuarta.

Dereitos e deberes.

A participación no concurso leva aparellada a autorización para publicar os relatos e as fotografías, xunto co nome e apelidos dos participantes, nos diferentes medios impresos e dixitais que utiliza a Biblioteca, incluídas as redes sociais e a plataforma de préstamo dixital EbiblioDaCoruna. Os relatos e fotografías presentados ao concurso de xeito incompleto ou que non se axusten ou incumpran as bases, así como aqueles de contido inadecuado, serán excluídos. A participación no concurso implica a aceptación total destas bases, e que os participantes se fan responsables da autoría e contido dos relatos e as fotografías, que non vulnerarán os dereitos de honra, intimidade persoal / familiar e á propia imaxe de terceiros.

Consulta as bases completas en:
www.dacoruna.gal/biblioteca